



Broj: JN1-03-16-8-2-13/18  
Sarajevo, 16.4.2018.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-8-2-12/18, od 12.4.2018. u otvorenom postupku nabavke nafte za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

## ODLUKU O IZBORU NAJPOVOLJNIJEG PONUDAČA

### I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-8-2-12/18, od 12.4.2018. i Okvirni sporazum za nabavku nafte za službena vozila Parlamentarne skupštine BiH za period od 24 mjeseca, dodjeljuje se ponuđaču HIFA-PETROL d.o.o. Sarajevo, ulica Hotonj bb, 71 320 Vogošća, čija ukupna cijena ponude za predmetnu nabavku (cijene Eurodizela EN 590 do 10 ppm, motornog ulja-dizel 0W-30, motornog ulja-dizel 5W-30, tečnosti za brisače (ljetna i zimska) i Ad blue tečnosti za utvrđene okvirne količine za period 24 mjeseca) bez datog popusta iznosi 178.332,00 KM bez PDV-a odnosno 208.648,44 KM sa uračunatim PDV-om.

### II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tač. 11.2. i 11.3. Tenderske dokumentacije za nabavku nafte za potrebe Parlamentarne skupštine Bosne i Hercegovine, broj: JN1-03-16-8-2-6/18, od 20.2.2018.

(2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ovaj postupak nabavke će biti poništen.

### III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

### IV.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

### V.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke nafte za potrebe Parlamentarne skupštine Bosne i Hercegovine, broj: JN1-03-16-8-2/18, od 2.2.2018.

Ukupna procjenjena vrijednost nabavke iznosila je 200.000,00 KM sa PDV-om. Komisija za nabavke imenovana je Odlukom Kolegija Sekretarijata, broj: JN1-03-16-8-2-1/18, od 2.2.2018. Javna nabavka provedena je putem otvorenog postupka nabavke. Tenderska dokumentacija, broj: JN1-03-16-8-2-6/18, od 20.2.2018. objavljena je u Sistemu „E-nabavke“, kao i Obavještenje o nabavci broj: 166-1-1-4-3-15/18 dana 20.2.2018., a u „Službenom glasniku BiH“, broj 13/18, od 23.2.2018. Dana 21.2.2018. od ponuđača Hifa-Petrol d.o.o. Sarajevo postavljena su pitanja za pojašnjenje Tenderske dokumentacije, na koje je Komisija za nabavke, odgovorila dana 23.2.2018. Zahtjev za pojašnjenje Tenderske dokumentacije postavljen je i od ponuđača Petrol BH Oil Company d.o.o., na koji je dana 26.2.2018. dat odgovor. Tendersku dokumentaciju za nabavku nafte za potrebe Parlamentarne skupštine BiH sa Portala javnih nabavki preuzelo je ukupno 10 ponuđača.

Do termina zakazanog za predaju ponuda odnosno do 7.3.2018. do 12,00 sati pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	HIFA-PETROL d.o.o. Sarajevo, ulica Hotonj bb, 71 320 Vogošća

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-8-2-9/18, od 7.3.2018., Zapisnik o otvaranju ponuda od 7.3.2018. i Zapisnik o pregledu i ocjeni ponuda, broj: JN1-03-16-8-2-12/18, od 12.4.2018. sa preporukom o izboru najpovoljnijeg ponuđača.

Zapisnikom je konstatovano da je u toku evaluacije Komisija utvrdila da ponuda ponuđača **Hifa-Petrol d.o.o. Sarajevo** ispunjava sve formalno pravne, ekonomsko-finansijske i tehničko/profesionalne uslove, odnosno zahtjeve ugovornog organa, ali obzirom da ukupna cijena njihove ponude premašuje procjenjenu vrijednost nabavke dopisom broj: JN1-03-16-8-2-11/18, od 2.4.2018. zatraženo je od Sektora za finansije Sekretarijata Parlamentarne skupštine BiH mišljenje u vezi s obezbjeđenjem dodatnih novčanih sredstava za realizaciju ove nabavke, a po dobijanju pozitivnog mišljenja od 12.4.2018. konstatovana je **prihvatljivost ove ponude** za ugovorni organ.

Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“, te da nije primjenjen utvrđeni preferencijalni tretman domaće ponude, jer je jedina dostavljena ponuda ujedno i prihvatljiva za ugovorni organ, i to:

Ponuđač	Ukupna cijena ponude za predmetnu nabavku (cijene Eurodizela EN 590 do 10 ppm, motornog ulja-dizel 0W-30, motornog ulja-dizel 5W-30, tečnosti za brisače (ljetna i zimsko) i Ad blue tečnosti za utvrđene okvirne količine za period 24 mjeseca), bez datog popusta s PDV-om
HIFA-PETROL d.o.o. Sarajevo, ul. Hotonj bb, 71 320 Vogošća, Ponuda broj: JN-970/18 od 7.3.2018.	208.648,44 KM

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: JN1-03-16-8-2-12/18, od 12.4.2018. u prilogu), da u postupku nabavke nafte za potrebe Parlamentarne skupštine BiH, donese Odluku o izboru najpovoljnijeg ponuđača za HIFA-PETROL d.o.o. Sarajevo, ulica Hotonj bb, 71 320 Vogošća, čija ukupna cijena ponude za predmetnu nabavku (cijene Eurodizela EN 590 do 10 ppm, motornog ulja-dizel 0W-30, motornog ulja-dizel 5W-30, tečnosti za brisače (ljetna i zimsko) i Ad blue tečnosti za utvrđene okvirne količine za period 24 mjeseca) bez datog popusta, iznosi 178.332,00 KM bez PDV-a

odnosno 208.648,44 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se Hifa-Petrol d.o.o. Sarajevo izabere za realizaciju Javne nabavke nafte za potrebe Parlamentarne skupštine Bosne i Hercegovine putem Okvirnog sporazuma na period od 24 mjeseca, te odlučio kao u dispozitivu odluke.

**Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- HIFA-PETROL d.o.o. Sarajevo, ulica Hotonj bb, 71 320 Vogošća
- Sektoru za finansije
- a/a

**KOLEGIJ SEKRETARIJATA:**

**Kenan Vehabović** \_\_\_\_\_

**Bojan Ninković** \_\_\_\_\_

**Marin Vukoja** \_\_\_\_\_